

程



楚世家

古史十七

楚之先出自帝顓頊高陽高陽生稱稱生卷章章生

少昊之末也九黎亂德民神雜糅不可方物顓頊受之命

少昊氏之子曰重為南正司天以屬神命黎為火正司地

以屬民黎以火正事帝嚳高辛能光融天下帝命之曰祝

融使為重黎共工氏作亂帝使重黎誅之而不盡帝乃以

夷寅日誅重黎而以其弟吳回為重黎重出於少昊黎出

世重黎實二人也至帝嚳之世火正兼稱重黎蓋以黎兼

重黎是以重黎既誅而獨以吳回為重黎然則楚之先實

黎而非吳回生陸終陸終生子六人圻剖而產長曰樊為

昆吾次日惠連為參胡三日箴為彭祖四曰求言為會人

五曰安為曹姓六曰季連為芊姓楚其後也昆吾氏為夏





伯湯滅之彭祖氏為殷伯殷衰而彭祖氏滅季連生附沮  
附沮生宓熊其後中微或在中國或在蠻夷弗能紀其世  
其裔孫曰鬻熊事周文王早卒其子曰熊麗熊麗生熊狂  
熊狂生熊繹周成王舉文武勤勞之後以子男之田封熊  
繹於荆蠻居丹陽成王會諸侯於歧陽荆蠻不得與盟置  
布菴設望表與鮮卑守燎熊繹生熊艾熊艾生熊黜熊黜  
生熊勝熊勝以弟熊揚為後熊揚生熊渠熊渠生子三人  
當周夷王時王室微諸侯或不朝相侵伐熊渠甚得江漢  
間民和乃興兵伐庸楊粵至于鄂熊渠曰我蠻夷也不與  
中國之號謚乃立其長子康為句亶王中子紅為鄂王少  
子執疵為越章王皆在江上及周厲王暴虐熊渠氏之

王號熊渠卒長子康蚤死子熊渠立執孳紅卒其弟熊延  
弒而代立熊延生熊勇熊勇六年周厲王奔玁熊勇十年  
卒弟熊嚴為後熊嚴有子四人長子伯霜中子仲雪次子  
叔堪少子季徇熊嚴十年卒伯霜立是為熊霜熊霜元年  
周宣王初立熊霜六年卒三弟爭立仲雪死叔堪逃於濮  
而季徇立是為熊徇熊徇聰明和協蓋其先君遠氏將起  
叔堪而立之不克十六年鄭桓公始封二十二年熊徇卒子熊  
罏立熊罏九年卒子熊儀立是為若敖若敖二十二年周幽  
王為犬戎所殺周東徙二十七年若敖卒子熊坎立是為  
宵敖宵敖六年卒子熊駒是為蚡冒若敖蚡冒筭路筭纒  
以啓山林於且始為成國十一年蚡冒卒其弟熊通殺其



世子而自立且爲武王熊通十九年而魯隱公之元年也熊通始大稍侵陵中國諸侯畏之三十二年蔡侯鄭伯會于鄧以謀我三十五年侵隨使遠章求成隨侯使少師來鬪伯比曰漢東之國隨爲大隨張必棄小國少師侈請羸師以張之熊率且比曰季梁在何益鬪伯比曰少師得其君終必從之乃毀軍而納少師少師歸請追我師季梁止之曰天方授楚楚之羸其誘我也君盍脩政而親兄弟之國以待之乎隨侯從之師還三十七年夏會諸侯于沈鹿黃隨不會使遠章讓黃而身自伐隨戰于速祀隨師敗績獲其戎車與其戎右少師隨人請成不許鬪伯比曰天去其疾矣未可克也乃及隨盟熊通歸而自立爲王始開

濮地而有之三十八年使鬪廉伐鄧敗之四十年屈瑕敗鄧師於蒲騷四十一年屈瑕伐絞敗之四十二年屈瑕伐羅易之不設備大敗縊而死五十一年始以戟爲軍王帥之以伐隨卒于師鬪祁屈重祕不發喪以兵臨隨及隨侯盟而還子文王熊貲立文王始都郢二年伐申過鄧鄧祁侯止而享之鄧騅甥聃甥養甥請殺王鄧侯弗許三甥曰亡鄧國者必此人也夫六年代蔡虜蔡哀侯以歸初蔡侯息侯皆取於陳息媯過蔡蔡侯不爲禮息侯怒故啓我伐蔡侯怨之譽息媯於王王如息以食入享遂滅息以息媯歸生堵敖及成王不言王問之曰吾一婦人而事二夫縱不能死其又奚言十年王爲之伐蔡以說十二年伐



鄧滅之秋伐鄭十四年冬巴人伐我十五年春王禦之六  
敗於津還鬻拳弗納遂伐黃敗黃師于蹇陵還及湫有疾  
六月文王卒鬻拳奉葬諸夕室亦自殺而葬於經皇文王方  
事中國而齊桓公始伯諸侯附焉故不能成大功子熊羆  
立是為堵敖堵敖三年欲殺弟熊惲惲奔隨與隨人襲羆  
堵敖而自立是為成王史記文王十三年卒子熊羆立  
難五年為弟熊惲所殺按左傳魯  
莊公十四年楚武王卒則文王在位十五年而熊羆在位三年  
公十九年文王卒則文王在位十五年而熊羆在位三年  
之記失之矣熊羆熊惲皆息媯之子至是皆十餘年耳  
立之事必有大臣專之者而左傳史記皆不言其後  
年無征伐會盟明成元年始修聘諸侯春秋書荆  
王幼未能治國矣元年來聘 貢獻於

王王錫之命曰鎮尔南方夷越之亂無侵中國於是楚地  
千里成王幼委政大臣令尹子元欲蠱文夫人為館於其

宮側而振姑兩焉夫人聞之泣曰先君以是舞也習戎備今  
令尹不尋諸仇讎而於未亡人之側不亦異乎子元耻之  
六年秋子元以車六百乘伐鄭諸侯救鄭我師夜遁子元  
歸遂處於王宮鬪射師諫執而梏之八年秋申公鬪班殺  
子元鬪穀於菟為令尹自毀其家以紓楚國之難始周成  
王封熊繹於荆雜居蠻夷之間故孔子作春秋謂之荆而  
不人及鬪穀於菟為政始以禮治國改號曰楚十三年伐  
鄭春秋書曰楚人伐鄭然猶未得與諸侯齒也十四年伐  
鄭囚鄭聃伯十五年秋諸侯會于陽穀以謀我冬復伐鄭  
十六年齊桓公以諸侯來伐責王貢之不入齊師次于陘  
使屈完如師亦指為之退舍乃陵陳諸侯之師與屈完乘



而觀之相公曰豈不穀是爲先君之好是繼與不穀同好如何對曰君若辱收寡君寡君之願也相公曰以此衆戰誰能禦之以此攻城何城不克對曰君若以德綏諸侯誰敢不服君若以力楚國方城以爲城漢水以爲池雖衆無所用之乃盟而還十七年滅弦十八年秋圍許諸侯救許師還冬蔡侯以許男見於武城許男面縛銜璧王禮而釋之二十二年伐黃二十四年滅黃二十七年春伐徐齊人以諸侯救徐冬敗徐于婁林二十九年齊相公卒三十年鄭伯來朝王賜之金旣而悔之與之盟曰毋以鑄兵三十二年伐隨三十三年宋襄公將合諸侯使來告我許之款會于孟執宋公以伐宋冬諸侯盟于薄釋宋公春秋書

始曰楚子而先陳蔡三十四年鄭伯來朝宋公伐之玉伐宋以救鄭大敗宋師于泓還過鄭鄭伯享之取鄭二姐以歸君子以此知成王之不能終也三十五年秋成得臣伐陳取焦夷城頓關穀於菟以令尹授之遠呂臣曰子若國何對曰吾以靖國也有大功而無貴仕其人能靖者有幾時晉公子重耳自齊來王厚遇之送之於秦三十六年宋成公來朝三十七年秦人克商密鬪克屈禦寇戍焉秦人以歸成得臣追秦師不及遂圍陳納頓子于頓三十八年夏魯人來乞師以伐齊秋滅夔宋人叛我即晉冬成得臣伐宋圍緡師及魯人伐齊取穀使申公叔侯戍之三十九年將復伐宋使鬪穀於菟治兵於葵終朝而畢不戮



一人成得且復治兵於蔦終日而畢鞭七人貫三人耳國  
老賀子文子文飲之酒蔦賈後至不賀問之對曰子之傳  
政於子玉曰以靖國也靖諸內而敗諸外所獲幾何子玉  
剛而無禮不可以治民過三百乘其不能以入矣冬王以  
諸侯圍宋四十年晉侯伐曹衛以救宋王入居于申使申  
叔去穀使得且去宋得且不可使鬪椒請戰曰非敢必有  
功也願以間執讒慝之口王怒少與之師遂與晉師遇晉  
侯避之三舍楚衆欲止得且不可戰于城濮我師敗績王  
使謂得且曰大夫若入其若申息之老何得且自殺蔦呂  
臣爲令尹晉侯聞之喜曰莫余毒也已四十四年使鬪章  
聘于晉晉使陽處父來報於是晉楚復通四十五年令尹  
子上侵陳蔡成遂伐鄭晉陽處父侵蔡子上救之晉楚夾  
泚而軍約退舍以紓晉晉將涉水而陣旣退處父宣言曰  
楚師遁矣皆歸太子商且譖之曰納賂以避晉楚之耻也  
王殺子上初王將以商且爲太子子上曰君之齒未也而  
又多愛黜乃亂也楚國之舉常在少者且足人也逢蠱目而  
犴聲忍人也不可立也弗聽旣又欲立王子職商且知之  
四十六年十月以宮甲圍王王請食熊蹯而死弗聽縊而  
卒謚之曰靈不瞑曰成乃瞑商且立是爲穆王穆王二年  
秋圍江三年秋滅江四年夏滅六秋滅蓼六年晉靈公初  
立范山言於王曰晉君少不在諸侯北方可圖也八年春  
師于狼淵以伐鄭鄭人請成夏侵陳克壺丘狄復侵陳



陳人獲我公子夜懼而請成冬使越椒聘于魯春秋書曰  
楚子使椒來聘始與諸侯比九年鬪宜申及仲歸謀弑王  
王殺之秋王會陳侯鄭伯蔡侯伐宋宋人道之以田孟諸  
宋公為右孟鄭伯為左孟十二年穆王卒子莊王旅立元  
年成嘉潘崇將襲群舒使公子燮及鬪克守二子作亂城  
郢而使賊殺嘉不克八月二子以王出將如商密廬戢黎  
及叔麋誘而殺之莊王即位三年不出號令日夜為樂令  
國中有敢諫者死伍舉入諫王左抱鄭姬右抱越女坐鐘  
鼓之間伍舉曰願有進隱有鳥在於阜三年不蜚不鳴是  
謂鳥也王曰三年不蜚蜚將冲天三年不鳴鳴將驚人舉  
笑吾知之矣居數月深益甚大夫蘇從入諫王曰若不  
聞令乎對曰殺身以明君臣之願也於是罷淫樂聽政所  
誅者數百人所進計數百人任伍舉蘇從以政國人大說  
是歲大饑戎伐我西南至于阜山又伐我東南至于陽丘  
庸人帥群蠻以叛我麋人帥百濮聚於選將伐我於是申  
息之北門不啓謀徙於阪高以避寇蓋賈曰我能往寇亦  
能往不如伐庸彼謂我饑不能師故伐我若我出師必懼  
而歸從之師興而百濮罷使廬戢黎侵庸庸人囚子揚窓  
三宿而逸曰庸師衆群蠻聚焉不如益大兵以伐之師叔  
曰不可姑又與之遇以驕之彼驕我怒而後可克也從之  
七遇皆北王乃乘駟會師于臨品秦人巴人皆至群蠻懼  
請盟遂伐庸滅之六年鄭叛晉從我陳叛我從晉秋王



侵陳遂侵宋十年晉趙盾以諸侯之師侵鄭鬬椒救之次  
于鄭以待晉趙盾曰彼宗競于楚殆將斃矣姑益其疾乃  
去八年春伐陸渾之戎觀兵于周郊天子使王孫滿勞王  
王問鼎之大小輕重滿曰在德不在鼎成王定鼎于郊鄆  
卜世三十卜年七百天所命也周德雖衰天命未改鼎之  
輕重未可問也九年司馬鬬椒工正遠賈讒令尹鬬般殺  
之椒為令尹賈為司馬椒又殺賈將遂攻王王以三王之子  
為質弗受戰于臯澣椒再射王中車師懼退王使巡師曰  
先君文王克息獲三矢焉伯棼竊其二盡於是矣故而進  
之遂滅若敖氏鬬椒者令尹子文之弟子良之子也生而  
子文惡之欲殺之子良不可故及於亂子文之孫箴尹克  
黃使於齊還而聞亂其人欲亡克黃曰君命不可棄也  
而自拘於司敗王思子文之治楚國曰是不可以無後使  
復其所師連歲伐陳鄭滅舒蓼十五年陳夏徵舒弑其君  
平國孔寧儀行父來奔十六年伐陳殺夏徵舒因縣陳群  
臣皆賀申叔時使齊來獨不賀王問之曰牽牛以蹊人田  
田主奪之牛蹊者信有罪矣而奪之牛罰已重矣諸侯之  
從也曰討有罪也今縣陳貪其富也以討召諸侯而以貪  
終之無乃不可乎王曰善哉吾未之聞也乃復封陳鄉取  
一人以歸謂之夏州而納公孫寧儀行父于陳十七年春  
王圍鄭三月克之鄭伯肉袒牽羊以逆曰孤不天不能事  
君使君懷怒以及弊邑孤之罪也敢不唯命是聽其俘諸



江南以實海濱亦唯命其翦以賜諸侯使臣妾之亦唯命  
若惠顧前好徼福於厲宣相武使改事君夷於九縣君之  
惠也孤之願也左右曰不可許也得國無赦王曰其君能  
下人必能信用其民矣庸可幾乎退三十里而許之平潘  
尅入盟子良出質六月晉師救鄭及河間鄭既及楚平荀  
林父欲還其佐先穀不可以中軍佐濟晉師從之王欲還  
嬖人伍參勸戰從之戰於邲大敗晉師次于衡雍潘黨請  
築武軍而收晉尸以爲京觀王曰非爾所知也夫文止戈  
爲武禁暴戢兵保大定功安民和衆豐財所以爲武也武  
有七德我無一焉何以示子孫其爲先君官告成事而已  
武非吾功也古者明王伐不敬取其鯨鯢而封之以爲大  
觀於是乎有京觀以懲淫慝今罪無所而民皆盡忠以死  
君命又可以爲京乎祀于河作先君官告成事而還冬伐  
蕭宋人蔡人救蕭蕭人囚熊相宜僚及公子丙王曰勿殺  
吾退蕭人殺之王怒圍蕭蕭潰申公巫臣曰師人多寒王  
巡三軍拊而勉之三軍之士皆如挾纊十九年王使申舟  
聘於齊曰無假道于宋使公子馮聘于晉曰無假道於鄭  
孟諸之役舟爲司馬宋公違令舟戮其僕以是惡宋辭曰  
鄭昭宋龍晉使不害我則必死王曰殺女我伐之見犀而  
行及宋宋人執之王聞之投袂而起屨及於室皇劔及於  
寢門之外車及於蒲胥之市九月圍宋晉救不至而宋人  
不服二十年師將歸申犀稽首於馬前曰無畏知死而不



敢廢王命王棄言焉王不能答申叔時僕曰築室反耕者  
宋必聽命從之宋人懼使華元夜入楚師登司馬側之牀  
以病告側懼與之盟而告王退三十里而與之平二十三  
年莊王卒子共王審立莊王之季年魯人乞師以伐齊莊  
王卒我師不出共王二年魯人以晉師伐齊令尹公子嬰  
齊將救齊大夫已責逮鰥救之赦罪悉師王卒盡行彭名  
御戎蔡景公爲左許靈公爲右侵衛及魯魯人以賂請盟  
十一月及諸侯之大夫盟于蜀晉人畏其衆不敢爭是役  
使巫臣聘于齊旦告師期巫臣與公子側爭夏姬遂以  
夏姬亡奔晉晉人以爲邢大夫側請以重幣錮之王不許  
彼爲先君謀所蓋多矣若能利晉國雖重幣何益四年

師伐鄭側救鄭鄭伯與許男訟不能決五年許鄭來訟  
鄭伯不勝歸而請成于晉六年嬰齊伐鄭藥書救鄭遇於  
繞角我師還七年嬰齊復伐鄭諸侯救鄭盟于馬陵鄭人  
曰我鄭公鐘儀巫臣之出也嬰齊及側盡滅其族而分其  
室巫臣自晉遺二子書曰爾以讒慝貪怵事君而多殺不  
辜余必使爾罷於奔命以死遂請於晉侯而使於吳教吳  
乘車戰射道之叛楚吳於是始伐楚伐巢伐徐嬰齊奔命  
馬陵之會吳入州來嬰齊自鄭奔命二子於是一歲七奔  
命蠻夷屬於楚者吳盡取之大爲楚患八年晉藥書侵我  
獲申驪九年以賂求鄭伯鄭伯會我公子成于鄧秋晉人  
伐之嬰齊伐陳以救鄭自陳伐莒取渠丘及鄆晉人歸鐘



儀以來成十二月使公子成報焉十年晉使糴莩來聘十  
一年宋華元來人曰楚之成十二年五月晉士燮會我公  
子罷許偃盟于宋西門之外晉卻至來聘王享之子側  
相爲地室而縣空登金奏作於下鷙而走出復入而辭曰  
如天之福兩君相見何以易此側曰兩君相見亦唯一矣  
以相遺焉用樂卻至譏焉晉人以此知成之不能久也冬  
公子罷如晉涖盟十五年夏王將北師公子貞曰新與晉  
盟奈何背之側曰敵利則進何盟之有申叔時老矣在申  
聞之曰子反必不免遂侵鄭及衛許人畏偏於鄭請遷於  
城十一月使公子申遷許於葉十六年使公子成以汝陰  
求成于鄭鄭人叛晉夏晉侯伐鄭王救之側將中軍

齊將左壬夫將右過申側見申叔而問焉曰師其如何  
對曰子內棄其民而外絕其好瀆齊盟而食話言好時以  
動而疲民以逞將何以戰吾殆不見子矣戰于鄆陵呂錡  
射王中目我師敗績旣夕側命軍吏察夷傷補卒乘繕甲  
兵展車馬將復攻晉晉人患之苗賁皇徇曰蒐乘補卒秣  
馬厲兵脩陳固列蓐食申禱明日復戰乃逸楚囚王聞之  
召側醉不能見王曰天敗楚也夫遂夜遁去賜側死十七  
年夏諸侯伐鄭嬰齊救之諸侯還冬諸侯復伐鄭壬夫救  
之諸侯還公子橐師襲舒庸滅之十八年夏王伐宋納魚  
石于彭城以三百乘戍之而還宋人伐彭城冬嬰齊救彭  
城晉悼公救宋遇於靡角我師還十九年諸侯伐鄭壬夫



救鄭侵宋呂留右司馬申多受小國之賂以偏令尹司馬  
二十年殺申二十一年春嬰齊伐吳克鳩茲至于衡山使  
鄧廖侵吳吳人敗之獲鄧廖歸飲至三日吳人取駕國人  
咎焉嬰齊遂以憂死六月晉侯會諸侯于雞澤壬夫為令  
尹侵欲於小國陳叛我使袁僑如會秋使公子何忌侵陳  
二十二年陳成公卒將伐陳聞其喪而止陳不聽命夏彭  
名侵陳二十三年討陳叛故殺壬夫以公子貞為令尹以  
伐陳二十五年貞復圍陳諸侯會于鄆以救陳我師執陳  
公子黃陳侯逃歸二十六年春鄭人為晉侵蔡冬貞伐鄭  
鄭人請成二十七年秦伯使來乞師將以伐晉王許之貞  
曰不可當今吾不能與晉爭晉君類能而使之君明臣忠

上讓下競當是時也晉不可敵事之而後可王曰吾既許  
之矣遂師于武城以為秦援冬十月諸侯伐鄭鄭人請成  
王伐鄭鄭人亦成莊夫人卒王未能定鄭而還二十八年  
夏貞及鄭師伐宋秋諸侯伐鄭及晉平貞救鄭鄭人宵  
涉潁以盟我晉師歸我師亦歸二十九年四月諸侯復伐  
鄭盟于亳城北王及秦師伐鄭鄭伯來逆與我伐宋九月  
諸侯復伐鄭鄭及晉盟使良宵來告絕時晉悼公復伯諸  
侯畏之鄭固與晉我不敢復爭三十年貞及秦師伐宋王  
逆女于秦三十一年王疾病召大夫而告之以鄆之辱諱  
謚靈若厲九月共王卒大夫將以王命謚貞曰君命以其  
若之何毀之赫赫楚國而君臨之撫有蠻夷奄征南海以



屬諸夏而知其過可不謂共立請謚之共大夫從之康  
王昭立吳侵我公子午及養由基禦之大敗吳師於庸庸  
元年貞師于棠以伐吳師還不戒吳人敗我師于臯舟之  
隘冬貞卒將死謂公子午必城郢二年午為令尹舉楚國  
之賢者寘之列位於是楚治三年晉荀偃伐我公子格禦  
之戰于湛阪我師敗績五年晉人圍齊鄭公子嘉欲去誰  
大夫將叛晉而起楚師以告令尹午午以諸侯之睦於晉  
也不許王強之午伐鄭無功而還七年陳公子黃來奔八  
年令尹午卒使遠子馮為令尹訪於申叔豫豫曰國多寵  
而王弱不可為也遂辭以疾以公子追舒為令尹觀起有  
寵於追舒無祿而多馬楚人患之九年殺追舒復以遠子  
馮為令尹十年陳侯來朝公子黃愬焉慶虎慶寅以師  
建從陳侯圍陳殺二慶而納黃十一年王為舟師以伐吳  
不為軍政無功而還齊莊公伐晉懼而求好於我使遠子  
馮聘于齊齊使陳無宇來報秋諸侯會于夷儀以伐齊王  
不鄭以救齊吳召舒鳩人舒鳩人叛我王師于荒浦使  
為舒鳩子告不叛且請受盟王不許遠子馮曰彼告無罪  
若何伐之姑歸息民彼若不二吾無求矣若猶叛我無詞  
有庸師還十二年舒鳩卒叛屈建為令尹伐舒鳩滅之以  
遠掩為司馬書土田賦車籍馬及兵車徒卒甲楯之數  
成以授屈建王將賞舒鳩之功屈建辭曰先大夫遠子之  
功也乃以與遠掩十三年許靈公來朝詩伐鄭卒二



曰不伐鄭何以來諸侯十月伐鄭時宋向戌將合晉及之  
成鄭公孫僑曰晉楚將平不如使逞而歸遂不禦我獲七  
久而還十四年夏屈建會晉趙武及諸侯之大夫盟于宋  
人哀甲且請先軟晉人不較諸侯是以惡我秋晉荀盈  
來盟遠罷如晉涖盟十五年以宋盟故鄭游吉來聘及漢  
擊之以致鄭伯冬宋公魯侯陳侯鄭伯許男皆來十二月  
不康王卒宋公未至而反諸侯皆至子熊麋立是為邾  
成元年四月葬康王諸侯皆送葬王子圍為令尹王弱而  
令尹強諸侯知圍之不臣也二年圍殺司馬遠掩而取之  
三年四年圍會晉趙武及諸侯之大夫于旒因聘于鄭且  
公孫段氏將遂襲鄭鄭人知之不克冬圍將復聘于

出境聞王有疾而還入問王疾綸而弑之及其

正夏右尹王子比奔晉宮既尹士子黑肱奔鄭殺

州黎圍自立是為靈王靈王者共王之子而康王之

二年冬鄭伯來朝三年春許男來朝王皆止之以田

椒舉如晉求諸侯二君待之王問鄭公孫僑曰晉其

許我乎對曰晉君少安不在諸侯其大夫多求莫匡其君

在宋之盟又曰如一何故不許王曰諸侯其來乎對曰從

宋之盟承君之權不畏大國何故不來不來者其魯衛曹

邾乎曹畏宋邾畏魯魯衛偏於燕齊而親於晉唯是不來其

餘君之所及也王曰然則吾所求者無不可乎對曰事遠

於人不可與人同欲盡濟椒舉至晉晉侯許之六月公諸



侯于申惟魯衛曹邾不至椒舉言於王曰臣聞諸侯無貳禮以爲歸今君始得諸侯其慎禮矣伯之濟否在此會也宋向戌鄭公孫僑在諸侯之良也王其訪焉王使問禮於二子向戌獻公合諸侯之禮六僑獻伯子男會公之禮六徐子吳出也王以爲貳於吳執之宋太子佐後至王田於武城弗見於是王以侈驕諸侯椒舉讓曰夏桀爲仇之會育緡叛之商紂爲黎之蒐東土叛之周幽王爲太室之盟美狄叛之皆汰故也今君以汰無乃不濟乎弗聽子產見其惡不遠遠惡而後棄善亦如之德遠而後興六月辛巳吳圍宋方執齊慶封殺之盡滅其族將戮慶封

負之斧鉞以徇於諸侯使言曰無或如齊慶封殺其君弱其孤以盟其大夫慶封曰無或如楚共王之庶子圍弑其君兄之子麋而代之以盟諸侯王使速殺之遂以諸侯滅賴遷賴於鄢使鬬圍龜公子去疾城賴將以遷許申無宇曰楚旣之首將在此矣召諸侯而來伐國而克城竟莫校王心不違民其居乎民之不處其誰堪之不堪王命乃禍亂也冬吳伐我入棘櫟麻四年牛王以屈申爲貳於吳殺之使令尹遠罷如晉逆女晉使韓起羊舌肸送之旣至王將以起爲閭以肸爲司宮以辱晉訪諸大夫大夫莫對遠啓疆爭之乃止十月王以子使其弟蹶由犒師執之歸五年夏使公子棄疾犒于



晉秋遠罷伐吳吳敗我師丁房鐘六年成章華之臺始與諸侯落之使遠啓疆召魯侯夏魯侯來朝王享之於章華七年陳哀公卒哀公之弟招殺其太子偃師而立公子留九月王使棄疾帥師奉孫吳以伐陳十一月滅陳放陳公子招殺陳孔奐而使穿封戌爲陳公八年王會諸侯之大夫于陳遷許于城父十年三月王召蔡靈公子申伏甲而享之醉而執之四月殺之刑其士七十人使棄疾帥師圍蔡滅之用隱太子友于岡山使棄疾爲蔡公王問於申無字曰棄疾在蔡何如對曰擇臣莫若君鄭莊公城櫟而寘子元使昭公不立齊桓公城穀而寘管仲至于今賴之臣聞五大不在邊五細不在庭親不在外羈不在內今棄疾在外鄭丹在內君其少戒且未大必折尾六不掉君所知也十一年夏殺成熊以爲共敖氏之餘也而誅之冬伐徐以懼吳王次于乾谿以爲之援鄭丹見王與之言欲求鼎於周求許於鄭王心汰侈無厭丹不敢逆左史倚相趨過王謂丹曰是良史也子善視之丹因言曰是安得爲良史昔周穆王將肆其心周行天下將皆必有車轍馬迹祭公謀父作祈招之詩以止王心王是以獲沒於祗宮臣問其詩而不知也王曰然則子知之乎丹爲王誦之曰祈招之愔愔式昭德音思我王度式如玉式如金刑民之力而無醉飽之心王感其言揖而入饋不食寢不寐數日不能言克以及於難十二年春王之舊怨遠掩之族及遠居許圍



蔡洧蔓成然越大夫常壽過囚王在外帥群喪職之臣以  
作亂圍固城克息舟城而居之蔡之遺臣朝吳觀從囚之  
以蔡公棄疾之命召公子比公子黑肱既至命蔡人蓋棄  
疾以盟二子帥陳蔡不羹許葉之師因息舟之隙以入楚  
殺王太子祿及公子罷敵比爲王黑肱爲令尹棄疾爲司  
馬使觀從從師于乾谿令曰先歸復所後者劓師及訾梁  
而潰王聞太子之死也自投于車下曰人之愛其子也亦  
如余乎侍者曰甚矣小人老而無子知擠于溝壑矣王曰  
王殺人子多矣能無及此乎鄭丹言於王請待於郊以聽  
王曰衆怒不可犯也曰若於大都而乞師於諸侯  
三國皆叛矣曰若亡於諸侯以聽大國之圖君也王曰夫  
禍不冉祇取辱焉丹棄工而歸王治夏將入鄢王嘗有言  
於申無宇無宇之子亥求王過於棘圍以歸五月王縊工  
申亥氏國人不知每夜駭曰王入矣棄疾因以作亂使人  
夜走而呼曰王至矣國人大驚使蔓成然告比黑肱曰王  
至矣國人殺君司馬將來矣君若早自圖也可以無辱又  
有呼而至者曰衆至矣二子皆自殺棄疾即位名曰熊渠  
是爲平王葬子于于訾謂之訾敖殺囚衣之王服而流諸  
漢取而葬之以靖國人使蔓成然爲令尹觀從爲卜尹楚  
師還自徐吳人敗諸豫音下獲其五帥王於是封陳蔡復  
邑致群賂施舍寬民宥罪舉職楚人安焉初共王有子  
人無適立乃大有事於時望而埋璧於庭曰當璧而葬者



神所立也使五人齊而長入拜庚王跨之靈王肘加焉子  
干子皙皆遠之平王幼抱而入再拜皆壓紐鬪章龜知之  
故使其子成然事焉康王既以長立至子不終靈王暴虐  
不得其死子干子皙皆以無援不立而平王出君陳蔡國  
人附焉卒有楚國如神之命十月吳滅州來蔓成然請伐  
吳王曰吾未撫民人未事鬼神未脩守備未定國家而用  
民力敗不可悔州來在吳猶在楚也子姑待之元年夏使  
然丹簡上國之兵於宗丘使屈罷簡東國之兵於召陵且  
撫其民令曰息民五年而後用師國遂以安令二年成然恃  
其勞也與養氏比而中無度王患之九月殺成然而滅春  
之族使成然之子居鄭以續鬪氏之後二年王之

人費無極室是蔡朝吳護而遂之三年春使然丹誘其  
嘉殺之而立其子四年冬吳伐我戰于長岸大敗吳師獲  
其乘舟餘皇吳人宵敗我師取餘皇以歸五年冬使王子  
勝遷許于白羽以避鄭六年春使工尹赤遷陰于下陰使  
令尹陽句城郊魯叔孫婁聞之曰楚不在諸侯矣王之在  
蔡也生太子建及即位使伍奢為之師費無極為少師無  
極無寵於太子太子娶于秦無極勸王取之因言於王請  
大城城父而寘太子以通北方王說而從之楚於是始亂  
冬城州來沈尹戌曰楚必敗矣昔吳滅州來子旗請伐之  
王以撫民辭焉今未嘗撫民而城州來以挑吳能無敗乎  
七年費無極言於王曰建與伍奢將以方城之外叛王以



問奢奢曰君一過多矣何信於讒王怒執奢使城父司馬奮揚殺太子未至而遣之太子奔宋無極曰奢之子才臣在吳必憂楚國王使召之其長子尚至少子貞奔吳王并殺奢與尚貞至吳言伐楚之利卒為楚禍八年宋華氏為亂不克使華登來乞師王使遠越帥師助之太宰犯諫曰釋君而助臣可乎王悔之蔡侯朱既立費無極取貨於東國使蔡人出朱而立東國朱來愬王將為之討蔡無極言焉乃止九年宋華亥向寧華定來奔十年秋吳伐州來遠越帥諸侯之師救之遇於鐘離吳人敗頓胡沈蔡之師我師大奔冬十月吳入鄭取太子建之母及其寶器以歸蒙孫道之弗及縊於遠瀝囊瓦為令尹城郢沈尹成曰子

少亡郢古者天子守在四夷天子卑守在諸侯諸侯守在四鄰諸侯卑守在四境故其四境結其四鄰民狎其野三務成功民無內憂而又無外懼國為用城今吳是懼而城於郢守已卑矣卑之不獲能無亡乎十一年秋王為舟師以略吳疆沈尹成曰此行也楚必亡邑不撫民而勞之吳不動而速之吳踵楚而疆場無備邑能無亡乎王及圍陽而還吳人踵楚而邊人不備遂滅巢及鐘離沈尹成曰亡郢之始於此在矣十二年冬使遠射城州屈以復茄人城丘皇以遷訾人使熊相謀築留木使季然築卷民益不安十三年九月平王卒囊瓦將立王子申曰太子壬弱其母非適也建實聘之申怒曰王有適嗣而廢之必殺令尹一



乃立太子是爲昭王申平王長庶子也元年春吳子伐掩  
餘燭庸伐我我師禦之吳師不能退吳公子光因以弑吳  
子掩餘奔徐燭庸奔鐘吾我師四逐左尹卻宛直而和國人  
說之費無極與鄢將師惡之讒之囊瓦而殺之及陽令終  
晉陳皆滅其族伯州犁之孫嚭出奔吳國人謗之沈尹戌  
告瓦曰吳新有君疆場日駭子適於讒人而殺三不辜以  
興大謗國有大事子其危矣瓦懼殺無極將師以說於國  
四年吳掩餘燭庸來奔王封之於養將以害吳公子申諫  
曰吳光新得國而親其民視民如子辛苦同之將用之也  
若好吾邊疆使柔服焉猶懼其至人又強其讎以怒之無  
乃不可乎王弗聽吳子怒執鐘吾子而伐徐滅之徐子來

奔沈尹戌救徐不及吳始用伍員爲三軍以肆楚楚於是  
始病五年矣再侵我八年夏桐叛我秋囊瓦伐吳敗於豫  
章蔡昭侯來朝爲兩佩兩裘以其一獻王而服其一以朝  
囊瓦欲之弗與三年止之唐成公來朝有兩驢驢馬囊瓦  
欲之弗與亦三年止之九年唐人竊馬以獻乃歸唐侯蔡  
人聞之固請獻佩亦歸蔡侯蔡侯歸及漢沈玉而誓曰余  
所有濟漢而南者有若大川遂如晉請伐我十年三月晉  
爲蔡合諸侯於召陵求賄不得而止蔡侯因伍員伯嚭以  
告於吳冬蔡侯唐侯以吳子伐我舍舟于淮汭自豫章與  
楚夾漢左司馬戌謂囊瓦曰子夾漢而與之上下我悉方  
城外以毀其舟還塞大隊直轅冥軛子濟漢而伐之戈自



後擊之必大敗之既謀而行武城黑謂瓦曰天用木也我  
用革也不如速戰史皇曰楚人惡子而好司馬若司馬  
吳舟于淮塞城口而還是獨克吳也必速戰不然不免乃  
濟漢而陳自小別至于大別三戰瓦知不可欲奔史皇曰  
安求其事難而逃之將何所入子必死之初罪必盡說聞  
廬之弟夫槩王先擊囊瓦之卒瓦先奔我師亂遂大敗瓦  
亡奔宋吳師從我五戰及郢王出奔吳入郢伍員發平王  
之墓鞭之左司馬戍及息而還敗吳師于雍澁三戰皆傷  
遂死之王入於雲中盜以戈擊王王孫由于以背受之中  
王奔鄭鄭公辛之弟懷將弑王曰平王殺吾父我殺其  
子不亦可乎辛止之與其弟巢以王奔隨吳求王於隨公  
子結似王將逃王而已為王隨人不與王割結心以與隨  
人盟申包胥以王命而乞師于秦曰吳為封豕長蛇吞  
上國虐始於楚寡君失守社稷越在草莽使下臣告急曰  
夷德無厭若鄰於君疆場之患也遠吳之未定也君其取  
分焉若楚之遂亡君之士也君以君靈撫之世以事君秦  
伯曰寡人聞命矣子姑就館將圖而告子對曰寡君越在  
草莽未獲所伏下臣何敢即安立依於庭墻而哭日夜不  
絕聲勺飲不入口七日秦哀公為之賦無衣九頓首而坐  
秦師乃出十一年夏秦子蒲子虎帥車五百乘以救我與  
我師敗夫槩王于沂公子結少敗吳師於軍祥七月滅唐  
九月夫槩王歸自秦楚交敗吳師吳王乃歸十月王入



于郢王之奔隨也將涉於成曰藍尹亶涉其孥不與于舟王定將殺之公子申曰子常惟思舊怨以敗君何効焉王曰善使復其所吾以志前惡王賞闕辛王孫由于王孫闕鐘建鬪巢申包胥王孫賈宋木闕懷申請舍懷王曰大德滅小怨道也申包胥曰吾為君也非為身也君既定矣又何求且吾尤子旗其又為諸逐逃賞十二年四月吳敗我舟師獲大夫九人又敗我陵師國人大惕懼亡令尹申喜曰乃今可為矣於是遷郢於郢而改紀其政以定楚國二十年二月結及陳師滅頓吾月越敗吳于欒李闔閭傷而死吳由此怨越不暇伐楚二一年滅胡二十二年春王及諸侯蔡以報柏舉里而及廣文高倍九日而畢如令

尹之素蔡人男女以辨使疆于江汝之間而還蔡於是請遷子吳秋吳王夫差伐陳楚大夫聞之皆懼曰闔閭惟能用其民是以敗我今聞其嗣又甚將若之何申曰二三子恤不相睦無患吳矣昔闔閭身自約也而恤其民民不罷勞而爭為之死吾先大夫子常易之所以敗我也今夫差次有臺榭陂池宿有妃嬙嬪御一日之行玩好必從珍異是聚視民如讎而用之日新夫先自敗也已安能敗我二十五年克戎蠻氏蠻子赤奔晉晉人為我執之以歸二十七年春吳伐陳王為之出師于城父七月將救陳卜戰不言卜退不吉王曰然則死也再敗楚師不如死死一也其死讎乎命申為王不可則命結亦不可則命啓五蔡而後



許將戰王有疾方以大冥卒于城父啓曰君王捨其子而讓群臣敢忘君乎從君之命順也立君之子亦順也與申結謀潛師閉塗逆越女之子章而立之是爲惠王是歲也有雲如衆赤鳥夾日以飛三日王問之周太史史曰其當王身乎若禳之可移於令尹司馬王曰除腹心之疾而實諸股肱何益不穀不有大過天其天諸有罪受罰又焉移之遂弗禳初昭王有疾卜曰河爲祟大夫請祭諸郊王曰三代命祀祭不越望江漢睢漳楚之望也禍福之至不是過也不穀雖不德河非所獲罪也亦弗祭孔子曰楚昭王知天道矣其不失國也宜哉惠王三年伐陳四年結復伐陳七年申復伐陳九年申結伐吳初太子建居鄭鄭人殺

之建子勝在吳申召之以爲白公請伐鄭以復父讎申許之而未行晉人伐鄭楚救之與之盟而還勝怒曰鄭人在此讎不遠矣十年吳伐慎勝敗之請以戰備獻許之遂作亂七月殺申結于朝以兵劫啓將立之啓曰王孫若安靖楚國匡正王室而後畀焉啓之願也敢不聽從若將專利以傾王室不顧楚國有死不能遂殺之劫王以如高府圍公陽穴宮負王以如昭十八人之宮葉諸梁在蔡以方城之外伐之勝敗奔山而縊王復位諸梁兼令尹司馬陳人因亂伐我十一年七月公孫朝帥師滅陳以申之子國爲令尹結之子寬爲司馬而諸梁歸老於葉十六年越滅吳越人不能正江淮之北楚東侵廣地至泗上四十二年滅蔡



四十四年滅杞與秦平五十七年惠王卒子簡王中六年  
王元年北伐滅莒二十四年簡王卒子聲王當立聲王五

年韓魏楚始列為諸侯

史記簡王八年韓魏趙始為諸侯今考之三晉世家及年表當在此年也

六年盜殺聲王子悼王熊疑立悼王二年三晉來伐至乘

丘而還三年歸榆關于鄭四年伐周圍鄭九年伐韓取負

忝十一年三晉來伐敗我大梁榆關我厚賂秦與之平王

之季年吳起自魏來王任以為相明法責實楚國以治而

大臣宗室害之二十二年悼王卒貴戚作亂攻殺吳起子

肅王臧立肅王四年蜀伐我取茲方於是為扞關以距之

十年魏取我魯陽十二年肅王卒無子立王弟熊良夫是

為宣王宣王六年周天子賀秦獻公秦始復強而三晉亦

益大十六年魏惠王圍趙邯鄲昭公八邱謂宣王曰王不如

無救趙以強魏魏強其割趙必深趙之不聽必堅守是兩弊

也景舍曰不然夫魏之攻趙也恐楚之攻其後今不救趙

趙有亡形而魏無楚憂是楚魏共趙也害必深矣何謂兩

弊乎且魏以兵深割趙趙見亡形而楚不救已必與魏合

而以謀楚故王不如少出兵以為趙援趙恃楚勁必與魏

戰魏怒於趙之勁而見楚救之不足畏也必不釋趙趙魏

相弊而齊秦應楚則魏可破也楚因使景舍起兵救趙邯

鄲拔楚取睢濊之間齊敗魏桂陵三十年秦孝公封衛鞅

於商南侵我是年宣王卒子威王熊商立威王六年齊魏

始稱王越王無彊伐齊齊宣王使人說越王勸之伐楚越



王從之釋齊伐我我其師伐之夫敗越人知王無疆盡取  
故吳地至浙江北因此怨齊田嬰七年伐齊敗之於徐州  
令齊必逐田嬰張丑為嬰說王曰王知所以戰勝於徐州  
者乎田盼子者齊之名將也嬰子不善而用申紀申紀者  
大臣不附百姓不為用故王勝之今逐嬰子則盼子必用  
非楚利也王止不逐嬰子十一年威王卒子懷王熊槐立  
魏聞我喪伐我取陘山懷王五年秦初稱王六年使柱國  
昭陽將而攻魏破之於襄陵得八邑又移兵攻齊齊王患  
之陳軫適為秦使齊齊王曰為之奈何陳軫曰王勿憂請  
令罷之即往見昭陽軍中曰願明楚國之法破軍殺將者  
何以貴之昭陽曰官為上柱國而執珪軫曰其有貴於此

者乎昭陽曰令尹陳軫曰今君已為令尹矣此國冠之  
也且請得璧豆之人有也其舍人一卮酒者舍人相謂曰  
人飲此不足請盡地為蛇蛇先成者獨飲之一人先成  
酒而起曰吾能為之足及其為之足而後成人奪之酒下  
飲之曰蛇固無足今為之足是非蛇也今君相楚而攻魏  
破軍殺將功莫大焉臣之上不可以加矣今又移兵而攻  
齊攻齊勝之官爵不上於此攻之不勝身死爵奪此為蛇  
為足之說也不若引六而去以德齊此持蒲術也昭陽曰  
善引兵而歸燕韓君初稱王秦使張儀與齊楚魏相會盟  
齧桑十一年山東六國約共攻秦楚為從長至函谷關秦  
出兵擊六國六國各引而歸齊獨後史記於此言六國



秦戰國策卷之六  
約從諸侯當趙肅侯  
說齊魏共伐趙以敗  
楚懷王十一年凡十  
殺矣然則函谷之  
兵非蘇秦明矣  
魏將求和於秦使惠施之楚楚將入之

秦杜赫謂昭陽曰凡為伐秦者楚也今施以魏來而入秦

是明楚之伐而信魏之和也公不如無聽惠施而陰使人

以請秦昭陽曰善因謂惠施曰凡為攻秦者魏也今子從

楚為和楚得其利也受其怨子歸吾將使人因魏而和惠

子反魏王不悅杜赫又謂昭陽曰魏為子先戰折兵之半

謁病不得請和不睦魏折而入齊秦子何以救之東有魏

累北無晉而交未定於齊秦是楚孤也不如速和昭陽曰

善因令人謁和於魏十二年齊湣王伐敗趙魏軍秦亦

賤韓與齊爭長十六年秦欲伐齊而楚與齊從親秦惠王

患之乃宣言張儀免相使儀南入楚謂王曰敝邑之王所

甚說者無先大王雖儀之所甚願為門闌之廝者亦無先

大王敝邑之王所甚憎者無先齊王雖儀之所甚憎者亦

無先齊王而大王和之是以敝邑之王不得事王而令儀

亦不得為門闌之廝也王為儀閉關而絕齊今使使者從

儀西取故秦所分楚商於之地方六百里如是則齊弱矣

是北弱齊西得秦私商於以為富此一計而三利俱至也

王大說置相印於張儀日與置酒宣言吾復得商於之地

群臣皆賀陳軫獨吊王曰何故軫曰秦之所為重王者以

王有齊也今地未可得而齊交先絕是楚孤也夫秦又可



重孫國哉必輕楚矣且先出地而後絕齊則余計不熹先  
絕齊而後責地則見欺於張儀見欺於張儀王必怨之是  
西起秦患北絕齊交如此而兩國之兵至矣臣故吊王弗  
聽因使一將軍從張儀西受地張儀至秦佯醉墜車稱病  
不出三月地不可得王曰儀以吾絕齊爲尚薄耶乃使勇  
士宋遺北辱齊王齊王大怒折楚符而合於秦秦齊交合  
張儀乃起朝謂楚將軍曰子何不受地從某至某廣袤六  
里楚將軍曰受命六百里不聞六里即以歸報王大怒興  
師伐秦陳軫又曰伐秦非計也不如因賂之一名都與之  
伐齊是我亡於秦取償於齊也吾國尚可存今王已絕於  
齊而責欺於秦是吾合齊秦之交而來天下之兵也國必

大傷矣王不聽遂發兵西攻秦十七年與秦戰丹陽秦大  
敗我軍斬甲士八萬虜我大將屈匄裨將逢侯丑等七十  
餘人遂取漢中郡王大怒乃采國兵復襲秦戰于藍田兵  
復大敗韓魏聞之南襲我至郢楚聞乃引兵歸十八年秦  
使使約復與楚親分漢中之半以和楚王曰願得張儀不  
願得地張儀聞之請之楚秦王曰楚且甘心於子奈何張  
儀曰臣善其左右靳尚靳尚又能得事於楚王幸姬鄭袖  
袖所言無不從者且儀以前使負楚今秦楚大戰有惡臣  
非面自謝楚不解且大王在楚宜不敢取儀誠殺儀以便  
國臣之願也儀遂使楚王不覺囚欲殺之儀私於靳尚靳  
尚爲請曰拘張儀秦王必怒天下見秦王無辜必輕王王又



謂鄭袖曰秦王甚愛張儀而工欲殺之今將以庸之  
六縣賂楚以美人聘王以宮中善歌者爲之媵王重地秦  
女必貴而夫人必斥矣夫人不若言而出之鄭袖卒言張  
儀於王而出之儀出王因善遇儀儀因說王叛從約與秦  
合親約昏姻張儀已出屈原使從齊來諫王曰何不誅張  
儀王悔使人追之不及靳尚因謂王曰臣請隨之儀事王  
不善臣請殺之楚小臣靳尚之仇也或謂魏張旌曰以張  
儀之智而有秦楚之用君必害矣君不如使人微要靳尚  
而刺之楚王必曰儀也彼儀也則子重矣楚秦相難則魏  
無患矣旌果令人要靳尚刺之楚王大怒是歲秦惠王卒  
二十二年秦攻宜陽周君謂趙累曰子以爲如何對曰宜

陽必拔也周君曰宜陽城方八里材士十萬粟支十年公  
中之軍二十萬景翠以楚之衆臨山而救之秦必無功對  
曰甘茂羈旅也攻宜陽而有功則周公旦也無功則削迹  
於秦秦王不聽群臣父兄之議而攻宜陽宜陽不拔秦王  
耻之臣故曰拔周君曰子爲寡人謀柰何對曰君謂景翠  
曰公爵爲執珪官爲柱國戰而勝則無加焉不勝則死不  
如背秦援宜陽公進兵秦恐公之乘其敝也必以寶事公  
公仲慕公之爲已乘秦也亦必盡其寶秦拔宜陽景翠果  
進兵秦懼遽效煮策韓氏果亦效重寶是時齊湣王欲爲  
從長惡楚之與秦合乃使遺王書曰寡人患楚之不察於  
尊名也今秦王已已張儀走魏樗里疾公孫用而楚事



秦夫樗里疾善韓公孫衍善魏楚必事秦魏恐必因  
二人求合於秦則燕趙亦宜事秦四國爭事秦則楚為郡  
縣矣王何不與寡人并力收韓魏燕趙與為從而尊周室  
以案兵息民令於天下則王名成矣王率諸侯並伐破秦  
必矣王取武關蜀漢之地私吳越之富而擅江海之利韓  
魏割上黨西薄函谷則楚之強百萬也且王欺於張儀亡  
地漢中兵挫藍田天下莫不代王懷怒今乃欲先事秦願  
王熟計之王業已欲和於秦得齊王書猶豫未決下其議  
群臣群臣或言和秦或言聽齊昭睢曰王雖東取地於越  
不足以刷耻於諸侯必且取地於秦而後足以刷耻於諸  
侯王不韓以重樗里疾如是則王得齊韓之重

以求地矣秦破韓宜陽而韓猶復事秦者以先王墳墓在  
平陽而秦之武遂去之七十里以故尤畏秦不然秦攻三  
川趙攻上黨楚攻河外韓必亡楚之救韓不能使韓不亡  
然存韓者楚也韓已得武遂於秦以山河為塞所報德莫  
如楚厚臣以為其事王必疾齊之所信於韓者以韓公子  
昧為齊相也韓已得武遂於秦王甚善之使之以齊韓重  
樗里疾疾得齊韓之重其主弗敢棄疾也今又益之以楚  
之重樗里子必言秦復與楚之侵地矣於是王許之竟不  
合秦而合齊以善韓史記此事在二十一年今案年表懷王  
年秦復歸韓武遂故此年秦拔宜陽取武遂二十三年  
當在懷王二十二年也二十四年背齊而合秦秦昭王  
初立乃厚賂楚楚王迎婦二十五年王入昭王約盟



於黃棘秦復與楚一庸二十六年齊韓魏以 叛約而合  
秦三國共伐我我使太子入秦而請救秦遣客卿通將兵  
來救三國引兵去二十七年秦大夫有私與楚太子鬪者  
太子殺之亡歸二十八年秦乃與齊韓魏共攻我殺將軍  
唐昧取我重丘而去二十九年秦復來攻大破我軍死者  
二萬殺將軍景缺王恐使太子為質於齊以求平三十年  
秦復伐我取八城秦昭王遺王書曰始寡人與王約為兄  
弟盟於黃棘太子為質至權也太子陵殺寡人之重臣不  
謝而去寡人誠不勝怒使兵侵君之邊今聞君王乃令太  
子質於齊以求平寡人與君接境壤界故為昏姻所從相  
親久矣而今秦楚不權則無以令諸侯寡人願與君王會

武關面相約結盟而去寡人之願也王見書患之欲往恐  
見欺欲無往恐秦怒昭睢曰王無行而發兵自守耳秦虎  
狼不可信有并諸侯之心屈原亦止王母西王子子蘭勸  
王曰奈何絕秦之權心於是往會秦詐令一將軍伏兵武  
關號為秦王王至則閉武關遂與西至咸陽朝章臺如蕃  
臣不與元禮王大怒悔不用昭子言秦因留王要以割巫  
黔中郡王欲盟秦欲先得地王怒曰秦詐我而又強要我  
以地不復許秦秦因留王楚大臣患之乃相與謀曰吾王  
在秦不得還要以割地而太子橫為質於齊齊秦合謀則  
楚無國矣乃欲立懷王子在田四者昭睢曰王與太子俱困  
於諸侯今又背王而立其子不義了子於齊



潛王欲留太子以楚之淮山以齊相田文曰不可郢中立  
王是吾抱空質而行不義於天下也或曰不然郢中立王  
因與新王爲市曰與我下東國曰吾爲王殺太子不然將與  
三國共立之然則東國必可得矣齊王卒用其相計歸太  
子然亦謂太子與我東地五百里不然不得歸太子曰臣  
有傳請問之傳慎子曰獻之悉之地而不送死父不義也太  
子從之齊乃歸太子太子至以爲王是爲頃襄王乃告秦  
曰賴社稷神靈國有王矣秦昭王怒齊使車五十乘來取  
東地王告慎子曰齊來求地爲之奈何慎子曰王朝群臣  
而問之可也上柱國子良入曰王曰寡人之得反國也以  
東地五百里許齊齊今求之奈何子良曰王親出玉聲而

其乘之齊不與則不信不可以約結諸侯請與之而  
子良出昭常入見王復問之昭常曰不可與也去東  
地五百里是去國之半也臣故曰勿與臣請守之昭常出  
宗鯉入見王復問之景鯉曰不可與也然楚不能獨守臣  
請西索救於秦景鯉出王召慎子告之以三大夫之計曰  
孰用而可慎子對曰王皆用之王怫然作色曰何謂也  
慎子曰王使子良以車五十乘北獻地於齊發子良之明  
日以昭常爲司馬使守東土遣昭常之明日使景鯉以車  
五十乘西索救於秦王曰善從之子良至齊齊使人以甲  
受地昭常應齊使曰我主東土且與之生死悉五尺至六  
尺三十餘萬幣田銑兵待於下塵齊王聞良曰大夫來



獻地今常守之何如子良曰臣身受命於君君定常矯也  
王攻之齊上起兵以伐昭常未涉疆秦畏齊之有東土也  
使子戎告楚曰毋與齊東國吾與子出兵遂以五十萬臨  
之右壤曰隘楚太子弗出不仁又欲奪之東地五百田不  
其縮甲則可不然則戰齊王恐乃請子良南道楚西使  
子良解齊患士卒不戰東地復全頃襄王元年秦出兵武  
我大敗我軍斬首五萬取析十五城而去二年懷三  
秦覺之遮楚道懷王從關道走趙以求歸趙主父在  
十惠文王初立行王事不敢納懷王欲走魏秦自至  
使復之秦懷王遂發病三年懷王卒于秦秦葬之  
皆憐之如悲親戚諸侯由是不直秦秦楚絕

白起伐韓於伊闕斬首二十四萬秦乃遣王書曰楚  
秦秦且率諸侯伐楚爭一旦之命願王飭士卒得一樂  
王患之乃謀復與秦平七年楚迎婦於秦秦楚復平十  
年齊秦各自稱帝月餘復歸帝為王十四年王與秦昭  
王好會于宛十五年王與秦三晉燕共伐齊取淮北十六  
年與秦昭王好會於鄔其秋復與秦昭王會穰十八年楚人  
以弱弓微繳加歸鴈之上者王聞召而問之其人因  
刺穰以言伐國之事王復召與語遂言曰先王為秦所欺  
而客死於外怨莫大焉疋夫有怨尚有報萬乘白公子胥  
是也今楚地方五千里帶甲百萬猶足以踴躍中野而坐  
受割曰竊為大士也取也王感其言遣使諸侯復為從



句以伐秦秦聞之發兵來伐楚欲與齊事和伐秦因欲  
圍周周王赦使武公謂楚相昭子曰西周之地絕長補短  
不過百里而名爲天下共主裂其地不足以肥國得其衆  
不足以勁兵雖無攻之名爲弑君然好事之君喜攻之臣  
發號用兵夫嘗不以周爲終始是何也見祭器在焉欲器  
之至而忘弑君之亂且恐天下以器讎楚也臣請譬言之虎  
肉臊其兵利身人猶攻之澤中之麋蒙虎之皮人之攻之  
豈高於虎裂楚之地足以肥國屈楚之名足以尊主是欲  
誣南則兵至矣於是楚計輟不行十九年秦伐我我軍敗  
白起補漢北地與秦二十年秦將白起拔我西陵二十二年  
白起拔我郢燒先王墓勝我兵散不復戰由是

二十二年秦復拔我巫黔中郡初屈原有寵於懷王王  
與之圖議國事應對諸侯甚尊任之上官大夫忌之讒之  
懷王王疑之不用原既勸懷王誅張儀人勸王無入秦王  
不聽而聽少子蘭入秦而不反故楚人比賢屈原而咎子  
蘭及頃襄王即位以蘭爲令尹蘭因與上官大夫比而毀  
原王怒逐之原憤怨赴湘水死楚人傷之由是忠臣不爲  
用秦之未取郢也莊辛謂王曰王左州侯右夏侯從鄢陵  
君與壽陵君專淫佚侈靡不顧國政郢都必危王曰先生  
老悖乎將以爲楚國祚祥乎莊辛曰臣非敢爲祚祥也臣  
誠見其必然也王卒幸四子不衰楚國必亡臣請避於趙  
淹留以觀之辛 五月而秦舉郢都王乃使人毀



莊辛於趙謝曰身人不能用先生之計人事至此為之奈何莊辛曰諺曰見菟而顧犬未為晚也亡羊而補牢未為遲也湯武以百里昌桀紂以天下亡楚國雖小絕長續短猶數千里豈特百里哉王方憂懼乃受之執珪封陽陵君二十三年復收東地得兵十餘萬西取秦所拔我江旁十五邑以為郡距秦二十七年使三萬人助三晉伐燕復與秦平太子為質於秦使左徒黃歇侍太子二十六年太子亡歸秋頃襄王卒太子熊元代立是為考烈王王以黃歇為令尹封於吳號春申君乃烈王元年納州於秦以平是時楚益弱六年秦圍邯鄲趙使平原君來告急春申君將兵救趙七年至新中秦兵去史記楚世家楚

按年表及平原君春申君傳皆言十二年秦昭王卒使春申君將而救趙故以春申為信

申君吊祠于秦十四年滅魯十六年秦王政立二十二年與諸侯共伐秦不利而去東徙都壽春命曰郢二十五年考烈王卒子幽王悍立王舅李園殺春申君幽王三年秦滅韓十年幽王卒同母弟猶代立是為哀王哀王立二月餘哀王庶兄負芻之徒襲殺哀王而立負芻為王是歲秦虜趙王遷王負芻二年秦伐我大破我軍亡十餘城三年秦滅魏四年秦將王翦破我軍於蘄殺將軍項燕五年王翦蒙武遂破楚國虜王負芻滅楚為楚郡年表及王翦傳記楚亡事與楚

世家同惟秦皇不紀二十三年王翦擊荆虜荆王項燕立昌平君為楚王反秦於淮南二十四年王翦復破荆軍昌平君死項燕自殺始皇二十三年則負芻之四年二十四年則負芻自殺既死項燕止一平君昌平君



而後項燕自始楚川家不同昌平君楚人爲始國攻嫪毐者始皇二十一年將攻荆徙昌平君於郢然無以考驗其實故兩存之也

蘇子曰楚靈王因陳公子招之亂而滅陳追討蔡侯般之弒君而滅蔡假大義以濟私欲晉政已亂莫之能救沛然自以爲得計矣不十年而有乾谿之禍秦惠王使張儀說楚懷王欺而賣之如劫嬰兒昭王又誘而執之咸陽加之兵遂分楚之半此其惡甚於楚靈王然傳子孫累世其禍乃應夫國於天地有與立矣一日爲惡禍未即報也本弱者速斃根深者徐拔彼方以得爲幸而不知天網之不失也是故楚雖已滅而楚之父老知秦之旤曰楚雖三戶亡秦必楚卒之滅秦者皆楚人也楚莊王討陳夏徵舒圍

不力皆足以取之棄而不有夫豈不欲畏天古諸侯而楚遂以興天命之不僭如此而可誣也哉

### 楚世家第十







